




Plata dla Ploania Antermëia Sant'Antone Abat

Ploan: **siur Klaus Sottsass**
E.mail: klsottsas@rolmail.net

Tel. 344 1554055

UNITÉ PASTORALA



VAL BADIA

www.unitepastorala.org

Ann A

29.01.2023 - 05.02.2023 - 4. domënia ia por l'ann

n. 10

La "charta magna" dl rëgn de Dî

📖 Sof 2, 3; 3, 12–13 | 1 Cor 1, 26–31 | Mt 5, 1–12a

Dal Vangele do San Mateo:

Te chël tëmp, ¹canche Gejù odô le gröm de jënt, él jü sön na munt. Al s'à sentè jö, y sü discepui ti é jüs pomez. ²Spo àl metü man da baié y i istruî. ³Al à dit: Beâc, chi che é püri dan da Idî; deache de d'ëi é le rëgn dl cil. ⁴Beâc, chi che plüra; deache ai gnarà consolà. ⁵Beâc, chi che é saurisc; deache ai arparà la tera. ⁶Beâc, chi che à fan y sëi do la iustizia; deache ai gnarà pascentà. ⁷Beâc, i misericordiusc; deache ai ciafarà misericordia. ⁸Beâc, chi che à n cör nët; deache ai odarà Idî. ⁹Beâc, chi che fej pêsc; deach'an ti dijarà fis de Dî. ¹⁰Beâc, chi che vëgn porseghità por gauja dla iustizia; deache de d'ëi é le rëgn dl cil. ¹¹Beâc sëise os, sc'i gnëis dejonorà y porseghità y scraia fora a vigni manira por mia gauja. ¹²Ralegrësse y iubiledè: Osc paiamënt tl cil sarà gran.



ANTIFONA

Dëidesse, Signur, nosc Dî, abïnesse adöm fora de düc i popui! I orun aprijé to inom sant y ester ligri, éiodiche i podun te laldè. (Salm 106 (105), 47)

📖 *Letöres dla 5. domënia ia por l'ann:*
Is 58, 7–10 | 1 Cor 2, 1–5 | Mt 5, 13–16



Informaziuns y terminns

N gran dilan a düc chi che á daidé pro a val maniera por fa garaté la Festa de S. Antone, sides danmiske cun osta partecipaziun, o cun pesc, ofertes y don na man. Dilan y Dî sl paies!!

Le consëi de cöra

Incö domënia, ai 29 de jená, festejunse le **De de sant Ojöp Frëinademetz**. I Misionars Verbic inviëia da recordé nosc sant sö Oies dales 16.00 cun na Mëssa solëna zelebrada adöm cun nosc vësko Ivo Muser.

Le **Sorvisc ai Jogn Val Badia** mët a jí "**Dis de preparaziun al maridé**" dala sabeda, 15 d'aurí, ala domënia, 16 d'aurí. Le curs sará por ladin y na picia pert por todësch. Söl program él referac y formaziun ti ciamps de comunicaziun, relaziuns, spiritualité, sanité y dërt. Referënc sará Lois Kastlunger (coordinadú), Christian Ferdigg (pert religiosa), Christian Pedevilla (avocat) y Petra Massardi (consulënta). Le curs é limité a 12 pers. Porchël periunse da ves prenoté tl Sorvisc Jogn Val Badia 0474 523 070 o info@jogn.org, cina ai 31 de merz 23. Le cost é de 180 euro por per (curs + 2 marënes).

Cooperativa Turistica Al Plan/S.Martin: Al vëgn indô tigní la **sfilada da Carlascé** a Al Plan. Düc, pici y gragn, uniuns, classes y i.i. é bel inviá da gní a tó pert! I s'incuntun ai 21 de forá, dales 14.00, tla plaza dan l'ofize turistich d'Al Plan. Les iscriziuns vëgn tutes sö le medemo de dales 12.00 inant tl ofize turistich.

Das Erste: Liebe!

Das Zweite: Liebe!


Das Dritte: Liebe!

70 mal 7 Liebe.

Und 7 Millionen mal 7 auch noch Liebe.


Lieben wir uns so, wie Jesus uns geliebt.

(Hl. Josef Freinademetz SVD)








Löm, benedisciun, salvëza – la festa dla presentaziun dl Signur tl tëmpl ai 2 de forá y le dé de S.Blaje (3 de forá), olache i ciafun la benedisciun de S.Blaje dita danter les ciandëres incrujades fora, nes mostra: la proteziun de Dî porta lominus y salvëza te nosta vita.



Cun so scrit „Vita consacrata“ á papa Jan Paul II detlaré tl ann 1997 la festa dla presentaziun dl Signur ai 2 de forá ince sciöche dé dla vita consacrada. Le dé recorda a Simeon y Hanna, che do le vangele de S.Lüca (2,25-40) passâ súa vita perian tl tëmpl a Gerusalemme aspetan l'messias, che ai vëiga spo te Gejú nasciü. Na relaziun particolare cun Dî á la vita consacrada – p.ej. te n convënt; ara se trata, sciöche papa Jan Paul II scri, nia de na vita isolada dal monn y dala dlijia, mo de na vita ota cun vocaziun particolare devers la dlijia y l'monn.

	31.01.2023	Teo - Gabriel
	05.02.2023	Joel C. - Maximilian - Moritz - Denise
	05.02.2023	Bernhard Ellecosta
	Les mius aodanzes por le compliagn ti fajunse a Erlacher Albuino (78). Döt le bun.	